

~~T5213~~ / 04416.
T5214.4 /

4

4

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 14 1932

唐詩紀事卷第九

李適

適字子至京兆人武后修三教珠英以李嶠張昌
宗爲使取文學士綴集適與王無競尹元凱等
在選睿宗時以工部侍郎卒

九日登慈恩應制云鳳輦乘朝霽鸚林對晚秋天
文貝葉寫聖澤菊花浮塔似神功造龕疑佛影
畱幸陪清漢蹕欣奉淨居遊



答宋十一崖口五渡見贈云聞君訪遠山躋險造
幽絕眇然青雲境觀奇彌年月登嶺亦泝溪孤
舟事公越寧嶂傳彩翠崖磴互欹缺石林上攢
叢金澗下明滅捫壁窺丹井梯苔瞰乳穴忽在
巖中贈對翫未嘗輟殷勤獨往事委曲鍊藥說
邀余名山期從爾泛海溘歲宴秉宿心斯言匪
徒說

初中宗景龍二年始作修文館置大學士四員學
士八員直學士十二員象四時八節十二月於
是李嶠宗楚客趙彥昭韋嗣立爲大學士適與
劉憲崔湜鄭愔盧藏用李乂岑羲劉子玄爲學
士薛稷馬懷素宋之問武平一杜審言沈佺期
閻朝隱爲直學士又召徐堅韋元旦徐彥伯劉
允濟等滿員其後被選者不一凡天子饗會遊
豫唯宰相直學士得從春幸黎園並渭水祓除
則賜柳圈辟癘夏宴葡萄園賜朱櫻秋望慈恩

浮圖獻菊花酒稱壽冬幸新豐歷白鹿觀上驪
 山賜浴湯池給香粉蘭澤從行給翔麟馬品官
 黃衣各一帝有所感卽賦詩學士皆屬和當時
 人所欽慕然皆狎猥佻佻忘君臣禮法惟以文
 華取幸若韋元旦劉允濟沈佺期宋之問閻朝
 隱等無他稱景龍二年七夕御兩儀殿賦詩李
 嶠獻詩云誰言七襄詠流入五絃歌是日李行
言唱步虛
 歌 九月幸慈恩寺塔上官氏獻詩羣臣並賦閏

九月幸總持登浮圖李嶠等獻詩十月三日幸

三會寺十一月十五日中宗誕辰內殿聯句爲

栢梁體二十一日安樂公主出降武延秀是月

以婕妤上官爲昭容十二月六日上幸薦福寺

鄭愔詩先成

舊邸三乘
闕是也

宋之問後進

駕象法王
歸是也

立春侍宴賦詩二十一日幸臨渭亭李嶠等應

制三十日幸長安故城十二月晦諸學士入閣

守歲以皇后乳母戲適御史大夫竇從一

往來
其家

遂有國三年人日清暉閣登高遇雪宗楚客詩
爹之號

云蓬萊雪作山是也因賜金綵人勝李嶠等七

言詩千鍾聖酒御筵披是也是日甚歡上令學士遞起屢

舞至沈佺期賦迴波有齒綠牙緋之語晦日幸

昆明池宋之問詩自有夜珠來之句至今傳之

二月八日送沙門玄奘等臨荊州李嶠等賦詩

十一日幸太平公主南庄七月幸望春宮送朔

方節度使張奩赴軍八月三日幸安樂公主西

庄九月九日幸臨渭亭分韻賦詩韋安石先成十一

月一日安樂公主入新宅賦詩十五日中宗誕

辰長寧公主滿月李嶠詩龍神見象日僊鳳養

雛年是也二十三日南郊徐彥伯上南郊賦十

二月十二日幸溫泉宮勅蒲州刺史徐彥伯入

仗同學士例因與武平一等五人獻詩上官昭

容獻七言絕句三首十四日幸韋嗣立庄拜嗣

立逍遙公名其居曰清虛原幽棲谷十五日幸

唐詩已甚

白鹿觀十八日幸秦始皇陵四年正月朔賜羣臣栢樹五日蓬萊公宴吐蕃使因爲栢梁體吐蕃

舍人亦賦

七日重宴大明殿賜綵鏤人勝又觀打球

八日立春賜綵花二十九日晦幸滻水二月一日送金城公主三日幸司農少卿王光輔庄是夕岑羲設茗飲討論經史武平一論春秋崔日用請北面日用贈平一歌曰彼名流兮左氏癖意玄遠兮觀今昔二十一日張奩至自朔方宴

於桃花園賦七言詩明日宴承慶殿李嶠桃花

園詞因號桃花行三月一日清明幸梨園命侍

臣爲拔河之戲三日上巳祓禊於渭濱賦七言

詩賜細柳圈八日令學士尋勝同宴於禮部尚

書竇希玠亭賦詩張說爲之序十一日宴於昭

容之別院二十七日李嶠入都祔廟徐彥伯等

餞之賦詩四月一日幸長寧公主庄六日幸興

慶池觀競渡之戲其日過希玠宅學士賦詩二

唐詩紀事 五
十九日御宴祝欽明爲八風舞諸學士曰祝公
斯舉五經掃地盡矣睿宗時道士司馬承禎還
天台適贈詩詞甚美朝士屬和三百餘人徐彥
伯編爲白雲記

中宗幸興慶戲競渡應制云拂霧金輿丹旆轉凌
晨黼帳碧池開南山倒影從雲落北澗搖光寫
浪迴急舸爭標排荇度輕帆截浦觸荷來橫汾
宴鎬歡無極歌舞年年聖壽盃

陪幸臨渭亭詩云長樂喜春歸披香愛雪霏花從
銀閣度絮繞玉窻飛寫曜銜天藻呈祥拂御衣
上林紛可望無處不光輝

安樂公主山庄云平陽金榜鳳凰樓沁水銀河鸚
鵡洲綵仗遙尋丹壑裏仙輿蹙幸綠亭幽前池
錦幔蓮花艷後嶺香爐桂蘂秋貴主稱觴萬年
壽還輕漢武濟汾遊

人日大明宮應制云朱城待鳳韶華至碧殿乘龍

死葬東山豈其識哉神交者歌薤露以送子歸
東山焉歌曰隴障榮紫氣金光赫氛氲美人含
遙靄桃李方自薰圖高黃鶴羽寶奪驪龍羣忽
驚薤上曲掩噎東山雲回也實天枉賈生亦晚
促今復哀若人危迅風前燭夜臺淪清鏡窮塵
埋結綠何以贈下泉生芻惟一束

張錫

慈恩寺九月九日登浮圖應制云九州霜景淨千

門曉望通仙遊光御路瑞塔迥凌空菊彩揚堯
日萸香遶舜風天文麗辰象竊抃仰層穹

晦日宴高文學林亭云雪盡銅駝路花照石崇家
年光開柳色池影汎雲華賞洽情方遠春歸景
未賒欲知多暇日罇酒漬澄霞

錫文琮之子也父視初代其甥李嶠爲宰相請還
廬陵王不爲張易之所右俄知選坐賊論流循
州韋后臨朝爲相旬日出刺絳州卒

唐詩紀事 八
徐彥伯

兗州人爲蒲州司兵叅軍時司戶韋暠善判司士
李巨工書彥伯屬詞號河東三絕武后撰三教
珠英取文詞士皆天下選彥伯嶠居首

和宋之問崖口五渡云聞有獨往客拂衣捐世心
結欣薄枉渚撰念縈舊林經巨去崖合冥綿歸
壑深琪樹環碧彩金潭生翠陰洄沿弄沙榜危
仄眺明岑夕聞桂裏猿曉翫松上禽雜佩蘊孤

袖瓊敷綴雙衿我懷滄洲想懿爾白雪吟秉願
理方叶存期跡易尋茲言庶不負爲報巖中琴
贈劉舍人古意云深林閔靈鳥文章世所希巢居
碧梧樹舞君青瑣闈或言鳳池樂撫翼更西飛
鳳池還禁林僊閣霧沉沉璇題激流日珠綴綿
清陰郁穆絲言重熒煌台座深風張丹屺翮月
弄紫庭音衆彩結不散孤英跂莫尋浩歌向蘭
渚婉變故儔心

和韋舍人元旦早朝云夕轉清壺漏晨驚長樂鐘
逶迤綸禁客假寐守銅龍予亦趨三殿肩隨謁
九重繁珂接曙響華劔比春容相問韶光歇彌
憐芳意濃願言乘日旰携手卽雲峰

祓禊渭濱侍宴應制云晴風麗日滿芳洲御幕春
筵祓錦流皆言曲侍璜溪宴甃似輕飛天漢遊
侍宴韋嗣立庄云鼎臣休澣隙方外結遙心別業
青霞境孤潭碧樹林每馳東野策遙弄北溪琴

帝眷紆時豫台園賞歲陰移鑿明月沼張組白
雲岑御酒瑤觴落仙壇竹徑深三光懸聖藻五
等冠朝簪自昔皇恩盛咸言獨自今
送金城公主云鳳辰憐簫曲鸞闈念掌珍羌庭遙
築館廟策重和親星轉銀河夕花移玉樹春聖
心悽送遠留蹕望征塵

駕幸溫泉云姬典歌時邁虞編記省方何如黑帝
月玄覽白雲鄉翠仗縈船岸明旂應萑陽風搖

唐詩紀事 十
花旼彩雪艷寶戈芒御陌開油次離宮夾樹行
桂枝籠騶褭松葉蔭堂皇仙女含珠液溫池孕
壁房湧疑神瀆溢泛若帝臺漿獨沸流常熱潛
蒸氣轉香青壇環玉甃紅淀鑠金光藻曜凝芳
潔葳蕤獻淑祥五龍歸寶算九雁叶時康同預
華封老中衢祝聖皇

安樂公主新宅云鳳樓開闔引明光花耐連添醉
益香欲知帝女薰天貴金柯玉柱夜成行

餞唐永昌云金谿碧水玉潭砂鳧鳥翩翩弄日華
鬪雞香陌行春倦爲摘東園桃李花

餞唐州高使君云香萼媚紅滋垂條縈綠絲情人
拂瑤袂共惜此芳時驪駉已躑躅鳥隼方葳蕤
跂予望太守流潤及京師

中宗幸興慶池戲競渡獻詩曰夾道傳呼翊翠虬
天迴日轉御芳洲青潭曉靄籠仙蹕紅嶼晴花
隔綵旒香溢金杯環廣坐聲搖妓舸匝中流羣

臣相慶嘉魚樂共晒橫汾歌吹秋

中宗與修文館學士宴樂賦詩每命彥伯為文序
文彩華縟夜宴安樂公主新第序云言容有典
緝似幄之柔規湯沐增榮結風庭之藻渙又曰
鳴璜節珮登繡軸之瑠軒花綬香纓帶澤壺之
青鎖此言駙馬送鄭惟忠序云卷蘆葉而橫吹聲愁
隴月撫劍鐔而直視目斷吳洲

彥伯為文多變易求新以鳳閣為鸚閣龍門為虬

戶金谷為銑溪玉山為瓊岳竹馬為篠驂月兔
為魄兔後進士効之謂之徐澁體

宗楚客

正月晦日侍宴滄水應制詩云御輦出明光乘流
泛羽觴珠胎隨月減玉漏與年長寒盡梅猶白
風遲柳未黃日斜旌騎轉休氣滿林塘

人日清暉閣遇雪應制云窈窕神僊閣參差雲漢
間九重中禁啓七夕早春還太液天為水蓬萊

雪作山今朝上林樹無處不堪攀

幸安樂公主西園應制詩云玉樓銀牘枕嚴城翠
蓋虹旗列禁營日映層巖圖畫色風搖雜樹管
絃聲水邊重閣含飛動雲裏孤峰似削成幸陪
七聖遊崑閬無勞萬里訪蓬瀛

安樂公主入新宅詩云星橋他日創僊榜此時開
馬向鋪錢埒簫聞弄月臺人疑衛叔美客似長
卿才借問遊天漢誰能取石迴

楚客字叔敖河東人節愍太子之敗也楚客請誅
其首祭三思俄為相與紀處納締交世號宗紀
御史崔琬劾之帝詔琬拜宗紀兄弟兩解之世
謂為和事天子韋氏敗被誅

韋承慶

時刻未載凌潮浮江旅思一詩攷是馬周作已見第四卷今刪去

字延休性謹畏長安中為相附張易之時與異母
弟嗣立並為宰相韋氏孝友詞學則承慶嗣立
邃音樂有萬石達禮儀則叔夏史才博識有述

唐詩紀事 十三 趙冬曦兄弟亦各有名張說曰韋趙兄弟人之杞梓

寒食應制詩云鳳城春色晚龍禁早輝通舊火收
槐燧餘寒入桂宮鶯啼正隱葉雞鬪始開籠藹
藹瑤山滿仙歌始樂風

直中書省詩清切鳳凰池扶疎雞樹枝惟應集鸞
鷲何爲宿羈雌大造乾坤闢深恩雨露垂昆蚊
旣含養駑駘亦驅馳木偶翻爲用芝泥忽濫窺

九思空自勉五字本無施徒喜逢千載何階答
二儀螢光向日盡蚊力負山疲禁宇庭除濶閒
宵鍾箭移暗花臨戶發殘月下簾欹白髮隨身
改丹心爲主披命將時並泰言與行俱危寄謝
巢由客堯年正在斯

南中詠雁云萬里人南去三秋雁北飛不知何歲

月得與爾同歸

又見於季子集題作南行別弟
攷韋承慶又有南行別弟詩云

淡淡長江水悠悠遠客情落花相與恨到地一
無聲詩苑英華亦作韋承慶南中詠雁未知孰

是

蕭至忠

安樂公主山庄云西郊窈窕鳳凰臺北渚平明法
駕來匝地金聲初度曲周堂玉溜始傳杯灣路
分遊畫舟轉巖門相向碧亭開微臣此時承宴
樂髣髴疑從星漢迴

九日幸臨渭亭登高侍宴應制得餘字云望幸三
秋暮登高九日初朱旗巡漢苑翠帟俯秦墟寵
極萸房遍恩深菊酎餘承歡何以答萬億俯宸

居

慈恩寺九日登塔應制云天蹕三乘啓星輿六轡
行登高臨寶塔極目遍王城神衛空中遶僊歌
雲外清重陽千萬壽率舞頌昇平

至忠德言曾孫也相中宗後從太平公主逆謀誅
明皇曰至忠誠國器但晚謬耳

李迥秀

慈恩寺九日應制云沙界人王塔金繩梵帝遊言
從祗樹賞行翫菊叢秋御酒調甘露天花亂綵
旒堯年持佛日同此慶時休

和主第賜宴云金榜峯~~峯~~雲裏開玉簫參差天際
迴莫驚側弁還歸路祗爲平陽歌舞催

安樂公主山庄云詰旦重門闔警蹕傳言太主奏
山林是日迴輿羅萬騎此時歡喜賜千金鸞羽
鳳簫參樂曲荻園竹徑接帷陰手舞足蹈方無
已萬年千歲奉薰琴

迥秀崔湜鄭愔在武后時昌宗以姦淫汙名位然
皆有文迥秀嘗以鴛鴦一雙與張易之共飲取
其常相逐也

迥秀爲兵部尚書有疾謂問者曰僕自知當作侍
中有命固不憂也問者出門而終詔贈侍中

劉憲

送張仁直赴朔方應制云命將擇耆年圖功勝必

全光輝萬乘餞威武二庭宣中衢橫鼓角曠野
蔽旌旃推食天厨至投醪御酒傳涼風過雁苑
殺氣下雞田分闔恩何極臨岐動睿篇

陪幸長寧公主東莊云公主臨亭地清晨降玉輿
画橋飛渡水仙閣迥臨虛晴新看蛺蝶夏早摘
芙蓉文酒娛遊盛忻叨侍從餘

陪幸五王宅云北斗樞機任西京肺腑親疇昔王
門下今茲御幸晨恩光山水被聖作管絃新遶
座薰紅藥當軒暗綠筠摘荷纔早夏聽鳥尚餘
春行漏金徒晚風煙起觀津

三會寺應制云岌嶷蒼史臺敞朗緝園開戒旦壺
人警翻霜羽騎來下輦登三襲褰旒望九垓林
披館陶勝水浸昆明灰網戶飛花綴幡竿度鳥
迴豫遊仙唱動瀟洒出塵埃

薦福寺應制云地靈傳景福天駕儼鈎陳佳哉藩
邸舊赫矣梵宮新香塔魚山下禪堂雁水濱珠

幡映白日鏡殿寫青春甚歡延故吏大覺拯生
人幸承歌頌末長奉屬車塵

陪遊上苑遇雪云龍驂曉日望春宮正逢春雪舞

春風花光併在天文上寒氣行消御酒中

或作
李又

賜剪綵花應制云上林宮館好春心獨早知剪花
疑始發刻燕似新窺色濃輕雪點香淺嫩風吹
此日叨陪侍恩榮得數枝

人日清暉閣應制云輿輦乘人日登臨上鳳京風

尋歌曲颺雪向舞行縈千官隨輿合百福與時
并承恩長若此微賤幸昇平

安樂公主山莊應制云主家別墅帝城隈無勞海
上覓蓬萊沓嶂懸流平地起危樓曲閣半天開
庭莎作薦舞行出浦樹相將欲棹迴此日風光
與形勝祇言併伴聖詞來

侍宴韋嗣立莊云東山有謝安枉道降鳴鑿緹騎
分初日霓旌度曉寒雲蹕巖間下虹橋澗底盤

幽棲俄以屆聖矚宛餘歡崖懸飛溜直岸轉綠
潭寬桂華堯酒冷松響舜絃彈明主恩斯極賢
臣節更殫不才叨侍從詠德以濡翰

白鹿觀應制云玄遊乘落暉仙宇暖霏微石梁縈
澗轉珠旒掃壇飛芝童薦膏液松鶴舞驟駢還
似瑤池上歌成周馭歸

人日翫雪應制云勝日登臨雲葉起芳風搖蕩雪
花飛呈暉幸得承金鏡颺影還將奉玉衣

送金城公主云外館踰河右行營指路岐和親悲
遠嫁忍愛泣將離旌旆羌風引軒車漢水隨那
堪馬上曲時向管中吹

興慶池應制云蒼龍闕下天泉池軒駕來遊簫管
吹緣堤夏篠縈不散冒水新荷卷復披帳殿疑
從画裏出樓船直在鏡中移自然東海神仙處
何用西崑轍迹疲

宴安樂公主新宅云層軒洞戶旦新披度曲飛觴

夜不疲綺綴玲瓏河色曉珠簾隱映月華窺

餞唐永昌云始見郎官拜洛陽旋聞近侍發雕章
緒言已勗暮年政綺字當生滿路光

七夕應制云秋吹過雙闕星仙動二靈更深移月
鏡河淺渡雲駟殿上呼方朔人間失武丁天文
茲夜裏光映紫微庭

慈恩寺九日應制云香塔層霄半仙鑣淨境遊登
臨憑季月寥廓見中州御酒新寒退天文寶氣
浮却邪將獻壽茲日奉千秋

人日侍宴大明宮應制云禁苑韶華此日歸東郊
道上轉青旂柳色梅芳何處所風前雪裏覓芳
菲開冰池內魚新躍剪綵花間燕始飛欲識王
游達陽氣爲觀天藻競春輝

奉和上巳日祓禊渭濱云桃花欲落柳條長沙頭
水上足風光此時御蹕來遊處願奉年年祓禊

觴

奉和幸望春宮應制云暮春春色最便妍苑裏花
開列御筵商山積翠臨城起滄水浮光共幕連
鶯藏嫩葉歌相喚蝶礙芳叢舞不前歡娛節物
今如此願奉宸遊億萬年

憲字元度宋州人爲中書舍人坐善張易之出刺
渝州召爲太僕少卿兼修文館學士卒天授中
治來俊臣獄疾其酷欲痛繩之反爲所陷明皇
在東宮憲啓曰褚無量經明行修耆年宿望宜
數召問以察其言太子順納

崔湜

白鹿觀應制云御旗探紫籙仙仗闢丹丘捧藥芝
童下焚香桂女留鸞歌無歲月鶴語記春秋臣
朔真何幸常陪漢武遊

或作鄭愔

送金城公主適西蕃云懷戎前冊備降女舊姻修
簫鼓辭家怨旌旃出塞愁尚孩中念切方遠御
慈留顧乏謀臣用仍勞聖主憂

餞唐州高使君云芳春桃李時京都物華好爲岳
豈不貴所悲陟遠道遠道不可思宿昔夢見之
贈君雙佩刀日夕視來期

慈恩寺九日應制云帝里重陽節香園萬乘來却
邪萸結珮獻壽菊傳杯塔類承天湧門疑待佛
開睿詞懸日月長得仰昭回

立春內出綵花應制云澹蕩春光滿曉空逍遙御
輦入離宮山河降望雲天外臺榭參差烟霧中
庭際花飛錦繡合枝間鳥囀管絃同卽此歡娛
齊鎬宴唯應率舞樂薰風

婕妤怨云不分君恩斷新粧視鏡中容華尚春日
嬌愛已秋風枕席臨燈曉屏幃向月空年年後
庭樹榮落在深宮

秦州薛都督挽詞云十里絳山幽千年汾水流碑
傳門客建劔是故人留壠樹煙含夕山門月照
秋古來鍾鼎盛共盡一蒿丘

泚仁師之子弟澄液從兄泣並有文翰列居清要
每私宴自比王謝之家謂人曰吾門戶及出身
歷官未嘗不爲第一丈夫當先據要路以制人
豈能默默受制於人故進取不已而不能令終
泚執政時年三十六嘗暮出端門下天津馬上
賦詩曰春還上林苑花滿洛陽城張說見之歎
曰文與位固可致其年不可及也

泚字澄瀾以文詞稱附韋后作相又附太平公主
門下客獻海鷗賦以諷泚稱善而不自悛帝誅
蕭至忠泚流嶺外後知泚本謀賜死荊州

泚岑義

安樂公主山莊云銀榜重樓出霧開金輿步輦向
天來泉聲迥入吹簫曲山勢遙臨獻壽杯帝女
含笑流飛電乾文動色象昭回誠願北極拱堯
日微臣抃舞詠康哉

宴安樂公主新宅云金榜重樓開夜扉瓊筵愛客

未言歸銜歡不覺銀河曙盡醉那知玉露晞
錢唐州高使君云蒼茫南塞池明媚上春時日極
傷千里懷君不自持征車別岐路斜日下崦嵫
一歎輶軒阻悠悠卽所思

慈恩寺九日應制云寶臺聳天外玉輦步雲端日
麗重陽景風搖季月寒梵堂遙集雁帝樂近翔
鸞願獻延齡酒長承湛露歡

立春內出綵花應制云和風助律應韶年清蹕乘
高入望僊花笑鶯歌迎帝輦雲披日霽俯皇川
南山近獻僊杯上北斗平臨御座前一奉恩榮
歡在鎬空知率舞聽薰絃

義字伯華初爲金壇令弟仲翔長洲令仲休溧水
令宗楚客語本道巡察御史曰毋遺江東三岑
後相中宗睿宗坐預太平公主謀誅始岑氏在
清要者數十人義曰物極則反可以懼矣然不
能抑退以及禍

唐詩紀事卷第九

終

唐詩紀事卷第十

趙彥昭

上幸薦福寺令賦詩云寶地龍飛後金身佛見時
千花開國界萬善累皇基北闕承行幸西園屬
住持天衣拂舊石王舍起新祠剎鳳迎瑠輦幡
虹駐綵旗同霑小雨潤仰詠大風詩

九日臨渭亭云秋豫凝僊覽宸遊轉翠華呼鷹下
鳥路戲馬出龍沙紫菊宜新壽丹萸辟舊邪須

唐詩紀事
陪長久宴歲歲奉吹花

安樂公主入新宅詩云雲物中京曉天人外館開
飛橋像河漢懸榜學蓬萊北闕臨僊檻南山送
壽杯一窺輪奐畢慙恧棟梁材

人日清暉閣應制云出震乘東陸馮高御北辰祥
雲應早歲瑞雪候初旬庭樹千花發堦蔘七葉
新幸承今日宴長奉萬年春

侍宴韋嗣立山莊云賢族唯題里儒門但署鄉何
如表巖洞宸翰發輝光地在茲山曲家隣郃水
陽六龍駐旌罕四牡耀旂常北斗臨台坐東山
入廟堂天高羽翼近主聖股肱良野竹池亭氣
村花澗谷香縱然懷豹隱空愧躡鵷行
白鹿觀應制云雲驂驅半景星蹕坐中天國誕玄
宗聖家尋碧落僊玉杯鸞薦壽寶算鶴知年一
覩光華且忻承道德篇

登驪山寓目應制云皇情遍九垓御輦駐昭回路

若隨天轉人疑近日來河看大禹鑿山見巨靈
開願扈封鸞駕常持薦壽杯

人日翫雪應制云始見青雲干律呂俄逢瑞雪應
陽春今日迴看上林樹梅花柳絮一時新

七夕應制云青女三秋節黃姑七日期星橋度玉
珮雲閣掩羅帷河氣通仙掖天文下睿詞今宵
望雲漢應得見蛾眉

慈恩寺九日應制云出豫乘秋節登高出梵宮皇
心滿塵界佛跡現虛空日月宜長壽人天得大
通喜聞題寶唱受記莫由同

立春日侍宴別殿內出綵花應制云剪綵迎初候
攀條寫故真花隨紅意發葉就綠情新嫩色驚
銜燕輕香誤採人應爲熏風拂能令芳樹春

人日侍宴大明宮應制云寶契無爲屬聖人瑠輿
出幸翫芳辰平樓半入南山霧飛閣旁臨東野
春夾路穠花千樹發垂軒弱柳萬條新處處風

唐詩紀事 三
光今日好年年願奉屬車塵

悼右僕射楊再思詩云兩揆光天秩三朝奉帝熙
何言集大身忽此喪元龜坐歎公槐落行聞宰
樹悲壑舟今已去寧有濟川期

彥昭字真然甘州人少豪邁風骨秀爽景龍中爲

相以權幸進後御史郭震

非元震也

劾其舊惡姚崇

惡之貶江州別駕卒

崔日用

人日宴大明殿宮賜綵縷人勝應制云新年宴樂
坐東朝鐘鼓鏗鏗大樂調金屋瑤筐開寶勝花
牋綵筆頌春椒曲江苔色冰前液上苑梅香雪
裏嬌宸極此時飛聖藻微臣竊抃預聞韶

望春宮應制云東郊風物正薰馨素滄鳧鷺戲綠
汀鳳闕斜通長樂觀龍旂直逼望春亭風光搖
艷蘭英紫淑景依遲柳色青渭浦明晨修禊事
羣公傾賀水心銘

唐詩紀事 四
送金城公主云聖后經綸遠謀臣計畫多受降追
漢策築館許戎和俗化烏孫壘春生積石河六
龍今出餞雙鶴願爲歌

宴長樂公主新宅云銀燭金屏坐碧堂只言河漢
動神光主家盛明歡不極才子能歌夜未央

餞唐永昌云洛陽桴鼓今不鳴朝野咸推重太平
冬至冰霜俱怨別春來花鳥若爲情

慈恩寺九日應制云紫宸歡每洽緝殿法初隆菊
泛延齡酒蘭吹解愠風咸英調正樂香梵遍秋
空臨幸符天瑞重陽日再中

日用爲御史中丞賜紫是時佩魚須有特恩亦因
宴命羣臣撰詞日用曰臺中鼠子直須諳信足
跳梁上壁龕已翻燈脂污張五還來鬻帶報韓
三莫浪語直王相大家必欲賜金龜賣却猫兒
相報賞中宗亦以金魚賜之

立春遊苑應制云乘時迎氣正璿衡灞滻煙氛向

曉清剪綺裁紅妙春色宮梅殿柳識天情瑤筐
綵燕先呈瑞金縷晨雞未學鳴聖澤陽和宜宴
樂年年捧日向東城

上宴日日用起舞自歌云東館總是鵝鸞南臺自
多杞梓日用讀書萬卷何忍不蒙學士墨制簾
下出來微臣眼看喜死其日以日用兼修文館
學士制曰日用書窮萬卷學富三冬日用舞蹈
拜謝日用滑州人中宗時武三思宗楚客權寵

交煽日用多所結納材辯絕人能乘機反覆取
富貴韋氏平遂爲相嘗謂人曰吾平生所事皆
適時制變不專始謀然每一反思若芒刺在背
云明皇時日用猶被寵眷帝賦詩宴遊多預酬
唱送張說巡邊云吉日四黃馬宜王六月兵擬
清鷄鹿塞先指朔方城日用有才辯惟是姦佞
耳中宗時七日應制云曲江苔色冰前液上苑
梅香雪裏嬌亦佳語也

李义

陪幸臨渭亭遇雪應制詩云青陽御紫微白雪下
彤闈泱壤流天霈綿區灑帝輝水如銀度燭雲
似玉披衣爲得因風起還來就日飛

送沙門玄奘等還荊州云初日承歸旨秋風起贈
言漢珠留道味江璧返真源地出南關遠天迴
北斗尊寧知一柱觀却啓四禪門

芙蓉園應制云水殿臨丹籞山樓遶翠微昔遊人
託乘今幸帝垂衣澗篠緣峰合巖花逗浦飛朝
迴曲池地無處不光輝

陪幸韋嗣立莊云樞掖調梅暇林園種槿初入朝
榮劍履退食偶琴書地隱東巖室天迴北斗車
旌門臨窳窳輦道屬扶疎雲罕明丹谷霜笳徹
紫虛水疑投石處溪似釣璜餘帝澤頒卮酒人
歡頌里閭一承黃竹詠長奉白茆居

景龍四年正旦賦栢樹詩云勁節凌冬勁芳心待

歲芳能令人益壽非止麝含香

陪幸長寧公主莊云紫禁乘宵動青門訪水嬉貴
遊鱸序集仙女鳳樓期合宴簪紳滿承恩雨露
滋北辰還捧日東館幸逢時

陪幸五王宅云家住千門側亭臨二水傍貴遊開
北第宸睠幸西鄉曳履迎中谷鳴絲出後堂浦
疑觀萬象峰似駐三光草向瓊筵樂花承繡展
香聖情思舊里留飲賦雕章

三會寺應制云睿德總無邊神臯擇勝緣二儀齊
法駕三會禮香筵漢闕中黃近秦山太白連臺
疑觀鳥日池似刻鯨年滿月臨真鏡秋風入御
絃小臣叨下列持管謬窺天

薦福寺應制云象設隆新宇龍潛想舊居碧樓披
玉額丹枕導金輿代日興光近周星掩曜初空
歌清沛筑梵樂美河書帝造還三界天文賁六
虛康哉孝理日崇德在真如

寺卽中
宗舊宅

唐詩紀事 八
人日清暉閣應制云上日登臺賞中天御輦飛後
庭聯舞唱前席仰恩輝睿作風雲起農祥雨雪
霏幸陪人勝節長願奉垂衣

安樂公主山莊云金輿玉輦背三條水閣山樓望
九霄野外初迷七聖道河邊忽覩二靈橋懸泉
滴滴依虹箭清吹泠泠報鳳簫向晚平陽歌舞
合前溪更轉木蘭橈

白鹿觀應制云制蹕乘驪阜迴輿指鳳京南山四
皓謁西岳兩童迎雲幄臨玄圃霞杯薦赤城神
明近福地何必往蓬瀛

登驪山寓目應制云崖巘萬尋懸居高敞御筵行
戈疑駐日步輦若昇天城闕霧中近關河雲外
連謬陪登岱駕忻奉濟汾篇

望春宮應制云東城結宇敞千尋北闕迴輿具四
臨麗日祥煙承罕蹕輕萸弱草藉衣簪秦商重
沓雲巖近河渭縈紆霧壑深謬接鵷鴻陪賞樂

還忻魚鳥遂飛沉

春日遊苑喜雨云仙蹕九成臺香筵萬壽杯一旬
初降雨二月早聞雷葉向朝隣密花含宿潤開
幸承天澤遍無使日光催

興慶池應制云神池汎濫水盈科仙蹕紆餘步輦
過縱掉洄沿萍溜合開軒眺賞麥風和潭魚在
藻供游泳谷鳥含櫻入賦歌寄語乘槎溟海客
回頭來此問天河

宴安樂公主新宅詩牽牛南度象昭回學鳳樓成
帝女來平旦鷓鴣歌舞席方宵鸚鵡獻酬杯
餞唐永昌云田郎才貌出咸京潘子文華向洛城
願以深心留善政當令強項謝高名

餞唐州高使君云淮源之水清可以濯君纓彼美
稱才傑親民佇政聲歲寒疇曩意春晚別離情
終歎臨岐遠行看擁傳榮

餞許州宋司馬云展驥旌時傑談雞美代賢暫離

僊掖務追送近郊筵地慘金商節人康璧假田
從來昆友事成以佩刀傳

慈恩寺九日應制云湧塔臨玄地高層瞰紫微鳴
鑿陪帝出攀椽翊天飛慶洽重陽壽文含列象
輝小臣叨載筆忻此頌巍巍

和晦日駕幸昆明池云玉輅尋春賞金堤重晦遊
川通黑水浸地派紫泉流晃朗扶桑出綿聯樹
杞周鳥疑填海處人似隔河秋劫盡灰猶識年

華石故留汀洲歸棹晚簫鼓雜汾謳

人日侍宴大明宮應制云詰旦行春上苑中馮高
御下大明宮千年執象寰瀛泰七日爲入慶賞
隆鐵鳳曾騫搖瑞雪銅鳥細轉入祥風比時朝
野歡無算此歲雲天樂未窮

奉和三日祓禊渭濱云上林花鳥暮春時上巳陪
遊樂在茲此日忻逢臨渭賞昔年空道濟汾詞
又爲紫微侍郎與蘇頲對掌綸誥明皇曰前有

道嶠朕今有頌又皆號蘇李時宰輔子將授太廟頌草詞久不就曰以遵仲尼之問而未能續又曰何不云宜採方山之能頌服其敏

又字尚真趙州人年十二工屬文薛元超曰是子且有海內名沈正方雅識治體時稱有宰相器初為黃門侍郎開元初姚崇為紫微令乃薦為侍郎外託引重實去其糾駁權畏又明切也未幾卒於刑部尚書兄尚一尚正俱有名同為一

集號李氏花萼集

尚一終清源尉尚正博州刺史

盧藏用

幸安樂公主西莊應制云皇女瓊臺天漢濤星橋月宇創山林飛蘿半拂銀題影瀑布環流玉砌陰菊浦香隨鸚鵡泛簫樓韻逐鳳凰吟瑤池駐蹕恩方久璧玉無文興轉深

餞唐州高使君云餞酒臨豐樹寒帷出魯陽蕙蘭春已曉桐栢路猶長祖述方城鎮安期外氏鄉

從來二千石天子命惟良

餞許州宋司馬云國爲休徵選輿因仲舉題山川
襄野隔朋酒灞亭睽零雨征軒驚秋風別驥嘶
驪歌一曲罷愁望正淒淒

慈恩寺九日應制云化塔龍山起中天鳳輦迂絲
旒牽畫刹雜珮冒香萸寶葉擎千座金英漬百
盃秋雲飄聖藻睿極捧連珠

主第夜宴云侯家主第一時新上席華年不惜春

珠釭綴月那知夜玉笋流霞畏底晨

宋主簿鳴臯夢趙六予未及報而陳子云亡追爲
此詩答宋兼貽平昔遊舊云暮川罕停波朝雲
無畱色故人琴與詩可存不可識識心尚可親
琴詩非故人鳴臯初夢趙蜀國已悲陳感化傷
淪滅魂交昔未申冥期失幽報茲理復今晨前
嗟成後泣已矣將何及舊感與新悲虛懷疇昔
時趙侯鴻寶氣獨負青雲姿羣有含妙識衆象

懸清機雄談盡物變精義解人頤在陰旣獨善
幽躍自爲疑跼彼千里足傷哉一尉欺陳生富
清理卓犖兼文史思縟巫山雲調逸岷江水鏗
鏘哀忠義感激懷知己負劔登薊門孤遊入燕
市浩歌去京國歸守西山岐幽居探元化立言
見千祀埋沒經濟情良圖竟云已坐憶平生遊
十載懷嵩丘題書滿古壁採藥遍巖幽子微化
金鼎仙笙不可求榮哉宋與陸名宦美中州存

亡一睽阻岐路方悠悠自余事山海及茲人世
改傳聞當世榮皆入古人名無復平原賦空餘
隣笛聲泣對西州使悲訪北邙塋新墳蔓宿草
舊闕毀殘銘爲君成此曲因言寄友生默語無
窮事凋傷共此情

藏用字子潛幽州人初隱終南少室二山中時有
意當世人目爲隨駕隱士晚乃徇權利司馬承
禎將還山藏用指終南曰此中大有佳處承禎

徐曰以僕視之仕宦之捷徑耳藏用終黃門侍

郎

馬懷素

慈恩寺九日應制云季月啓重陽金輿陟寶坊御
旗橫日道僊塔儼雲莊帝蹕千官從乾詞七曜
光顧慙文墨職無以頌時康

中宗立春遊苑應制云玄籥飛灰出洞房青郊迎
氣肇初陽僊輿早下宜春苑御醴行開薦壽觴
映水輕苔猶隱綠緣堤弱柳未舒黃惟有裁花
飾簪鬢相隨聖藻狎年光

興慶池侍宴應制云積水逶迤繞貝城含虛皎鏡
有餘清圖雲曲樹連緹幕映日中塘間綵旌賞
洽猶聞簫管沸歡留更睹木蘭輕無勞海上尋
仙客卽此蓬萊在帝京

正月七日宴大明殿云日宇千門平旦開天容萬
象列昭回三陽候節金爲勝百福延祥玉作杯

唐詩紀事 十五 就暖風光偏着柳辭寒雪影半藏梅何幸得參
詞賦職自憐終乏馬卿才

安樂公主山莊云主家池館勝平陽帝幸歡樂
未央掩映瑠窗交極浦參差繡戶遶迴塘泉聲
百處歌傳曲樹影千重舞對行聖酒一霑何以
報惟忻頌德奉時康

望春宮應制云綵萼瑠輿俯碧潯行春御氣發皇
心搖風細柳縈馳道映日輕花出禁林遍野園

亭開帟幕連堤草樹狎衣簪謬參西掖霑堯酒
願沐南薰解舜琴

送金城公主云帝子今何去重姻適異方離情愴
宸掖引路遶關梁望絕園中柳悲纏陌上桑空
餘怨黃鶴東顧憶迴翔

宴安樂公主新宅云鳳樓窳窳凌三襲翠幌玲瓏
瞰九衢複道中宵留宴衍彌令上客想踟躕
餞唐永昌云聞君出宰洛陽隅賓友稱觴餞路衢

別後相思在何處祇因闕下望仙鳧

餞唐州高使君云外牧資賢守斯人奉帝俞淮南
膺建隼渭北暫分符坐歎烟波隔行嗟物候殊
何年昇美政迴看北城隅

餞許州宋司馬云潁川開郡邑角宿分躔野君非
仲舉才誰是題輿者憫憫琴上鶴蕭蕭路傍馬
嚴程若可留別袂希再把

懷素字惟白潤州人師李善武后時爲監察御史
李迥秀歛昧骹法懷素劾罷之轉禮部侍郎開
元初爲昭文館學士

薛稷

送金城公主適西蕃云天道寧殊俗慈仁乃戢兵
懷荒寄赤子忍愛鞠蒼生月下瓊娥去星分寶
婺行關山馬上曲相送不勝情

安樂公主山莊云主家園囿極新規帝郊遊豫奉
天儀歡宴瑤臺鎬京集賞賜銅山蜀道移曲閣

交映金精板飛花亂下珊瑚枝借問今朝八龍
駕何如昔日指仙池

望春宮應制云九春風景足林泉四野雲霞敞御
筵花鏤黃山繡作苑草圖玄灞錦爲川飛觴競
醉心迴日走馬爭先眼着鞭喜奉僊遊歸路遠
直言行樂不言旋

宴安樂公主新宅云秦樓宴喜月徘徊妓筵銀燭
滿庭開坐中香氣排花出扇後歌聲逐酒來

餞唐永昌云河洛風輕壯市朝送君飛鳧去漸遙
更思明年桃李月花紅柳綠宴浮橋

餞許州宋司馬云令弟與名兄高才振兩京別序
聞鴻雁離章動鶴鴿遠鵬追翰墨勝地寫丹青
風月相思夜勞望潁川星

慈恩寺九日應制云寶宮星宿劫香塔鬼神功王
遊盛塵外春覽出區中日宇開初景天詞掩大
風微臣謝時菊薄采入芳叢

秋日還京陝西十里作云驅車越陝郊北顧臨大

河隔河見鄉邑秋風水增波西登咸陽途日暮

憂思多傳巖旣紆鬱首山亦嵯峨操築無昔老

採薇有遺歌客遊旣回換人生能幾何杜子美云少保

有古風得之陝郊篇謂此作也

稷善書画画宗閣立本書師褚河南時稱買褚得

薛不落節

稷字嗣通母魏鄭公女也爲中書舍人與從祖兄

曜更踐兩省俱以詞章自名睿宗立自少常數

日拜中書侍郎叅知機務歷太子少保以翊贊

功恩絕羣臣竇懷正誅稷以知本謀賜死萬年

獄

劉允濟

向刻劉元濟非元濟但不詳其爵里按初學記另有劉

允濟字允濟河南人少與王勃齊名垂拱四年明

堂成奏賦述功德除著作郎遷鳳閣舍人坐與

張易之昵狎除青州長史以內憂去官服除召

爲修文館學士既久斥喜甚與家人樂飲數日
卒

詠琴詩云昔在龍門側誰想鳳鳴時雕琢今爲器
宮商不自持巴人緩疎節楚客弄繁絲欲作高
張引翻成下調悲

經廬岳迴望江山想洛川有作云龜山帝始營龍
門禹初鑿出入經變化俯仰憑寥廓未若茲山
功連延並巫霍東北流良象西南距坤絡宏阜

自鬱盤高標復迴薄勢入柴桑渚陰開彭蠡壑
九江杳無際七澤紛相錯雲煙散吳會風波騰
鄢鄂跡隨造化久利與乾坤博盼蠻精氣通紛
綸潛怪錯石渠忽見踐金房安可託地入天子
都巖有僊人藥二門幾迢遞三宮何儵爚咫尺
窮杳冥跬步皆恬漠僊才驚羽翰幽居靜龍螭
明牧振雄詞地華殊灼灼盛業匡西夏深謀贊
禹毫黃雲覆鼎飛絳氣橫川躍佐曆符賢運人

期茂天爵禮樂富垂髻詩書成舞勺清輝靖岳
電利器騰霜鏑遊聖挹衢樽隣幾恭木鐸巖仞
包武侯波瀾控文若旋聞刈薪楚遽覩升葵藿
稷卨郭郭圖良平公輔略重地資出守英藩諒
求瘼豫章觀偉材江州訪靈嶠陽岫曉氛氲陰
崖暮蕭索潛伏屢鯨奔雄飛更鷲搏驚獮透煙
霞騰猿亂枝格故園有歸夢他山飛賞樂帝鄉
徒可遊皇澗終旅泊景物觀淮海雲霄望河洛

城闕紫微星圖書青溪閣神功多粉績元氣猶
斟酌丞相下南宮將軍趨北落橫簪並附蟬列
鼎俱調鶴四郊時迷路五月先投龠池榭喧瓊
管風花亂珠箔舊遊勞夢寐新知無悅樂天寒
欲贈言歲暮期交約夜琴清玉柱秋灰變緹幕
風雲動翰林宮徵調文籥言泉激爲浪思緒飛
成繳千里輝珠璣五采含丹臆鐘鼓旋驚鷄瑾
瑜俄抵鵲竊價慙庸怠叨聲逾寂寞長望限南

溟居然翳東郭

此詩爲當時推最

李元紘

綠池怨云征馬噪金珂嫖姚向北河
綠苔行跡少
紅粉淚痕多
寶屋粘花絮
銀箏覆網羅
別君如
昨日青海雁頻過

相思怨云望月思氛氲
朱衾懶更薰
春生翡翠帳
淚點石榴裙
燕語時驚妾
鶯啼轉憶君
交河一
萬里仍隔數重雲

元紘字大綱京兆人開元中爲相務峻崖檢抑奔
競夸進者憚之宋璟曰李公引宋遙之美黜劉
晃之貪身爲國相家無留儲雖季文子之德何
以加之

送張說上集賢學士應制得私字云碩儒延鳳詔
金馬被鴻私
饌玉趨丹禁
牋花降紫墀
銜恩傾
旨酒鼓舞詠康時
暫觀羣書緝逾昭
聖業丕接
筵歡有命擗管愧無詞
自驚一何幸太陽還及

葵

李嶠

三會寺應制云故臺蒼頡里新邑紫泉居歲在開
金寺時來降玉輿龍形雖起刹鳥跡尚留書竹
是蒸青外池仍點墨餘天文光聖草寶思合真
如謬奉千齡旦忻陪十地初

陪幸臨渭亭遇雪詩曰同雲接野煙飛雪暗長天
拂樹添梅色過樓助粉妍光含班女扇韻入楚
王絃六出迎僊藻千箱答瑞年

送沙門玄奘等還荊州詩云三乘歸淨域萬騎餞
通莊就日離亭近彌天別路長荆南旋杖鉢渭
北限津梁何日紆真乘還來入帝鄉

或刻宋
之問

幸太平公主南莊詩云主家山第接雲開天子春
遊動地來羽騎參差花外轉霓旌搖颺日邊回
還將石溜調琴曲更取峰霞入酒杯鸞輅已辭
烏鵲渚簫聲猶繞鳳凰臺

送張仁亶赴朔方應制云玉塞征驕子金符命老
臣三軍張戍旆萬乘飾行輪猛氣凌玄朔崇恩
降紫宸投醪還得士辭第本忘身露下鷹初擊
風高雁欲賓方銷塞北稜遂靜漠南塵

薦福寺應制云雁沼開香域鸚林降綵旃還窺圖
鳳宇更坐躍龍川桂舉朝羣辟蘭宮列四禪半
空銀閣斷分砌寶繩連甘雨樵蘇澤慈雲動沛
篇獨慙賢作礪空喜福成田

陪遊苑中遇雪云散漫祥雲逐聖迴飄飄瑞雪遶
天來不能落後爭飛絮故欲迎前定早梅

剪綵花應制云幸聞年欲至剪綵學芳辰綴綠奇
相似裁紅巧逼真花從篋裏發葉向手中春不
與時光競何名天上人

人日清暉閣應制云三陽偏勝節七日最靈辰行
慶傳芳蟻升高綴綵人階前莫候月樓上雪驚
春今日銜天造還疑上漢津

太平公主山亭侍宴應制云黃金瑞榜絳河隈白
玉仙輿紫禁來碧樹青岑雲外聳朱樓畫閣水
前開龍舟下瞰鮫人室羽節高臨鳳女臺遽惜
歡娛歌吹晚揮戈却使曜靈迴

人日大明宮應制云鳳城景色已含韶人日風光
倍覺饒桂吐半輪迎此夜冀開七葉應今朝魚
猜水凍行猶澁鸞喜春驚弄欲嬌愧奉登高搖
紫翰忻逢御氣上丹青

春日遊苑喜雨詩園樓春正歸入苑弄芳菲密雨
迎僊步低雲拂御衣危花霑易落度鳥溼難飛
膏澤登千庾歡情遍九圍

送金城公主云漢帝撫戎臣絲言命錦輪還將弄
機女遠嫁織皮人曲怨江山月粧消道路塵所
嗟穠李樹空對小榆春

九日應制云令節三秋晚重陽九日歡仙杯還泛
菊寶饌且調蘭御氣雲霄近乘高宇宙寬今朝

萬壽引宜向曲中彈

得歡字
集不載

正月中宗上清暉詩遇雪嶠賦詩云千鍾聖酒御

筵披六出祥雲亂繞枝卽此神仙對瓊圃何煩

轍跡向瑤池

集不載

七夕應制云靈匹三秋會仙期七夕過槎來人泛

海橋渡鵲填河帝縷昇銀闕天機罷玉梭誰言

七襄詠重入五絃歌

汾陰行云君不見昔日西京全盛時汾陰后土帝

親祠齋宮宿寢設厨供撞鐘鳴鼓樹羽旗漢家

四葉才且雄賓延萬靈朝九戎栢梁賦詩高宴

罷詔書法駕幸河東河東太守親掃除奉迎至

尊道鑿輿五營將控列容衛三河縱觀空里閭

回旌駐蹕降靈場焚香奠醑邀百祥金鼎發食

正焜煌靈祇煒燁攄景光埋玉陳牲禮神畢舉

麾上馬乘輿出彼汾之曲嘉可遊木蘭爲檝桂

爲舟櫂歌微吟綵鷁浮簫鼓哀鳴白雲秋歡娛

宴洽賜羣后家家復除戶牛酒聲名動天樂無
有千秋萬歲南山壽自從天子向秦關玉輦金
車不復還珠簾羽蓋長寂寞鼎湖龍髯安可攀
千齡人事一朝空四海爲家此路窮雄豪意氣
今何在壇場宮館盡蒿蓬路逢故老長歎息世
事迴環不可測昔時青樓對歌舞今日黃埃聚
荆棘山川滿目淚沾衣富貴榮華能幾時不見
只今汾水上惟有年年秋雁飛天寶末明皇乘

春登勤政樓命梨園弟子歌數闋有唱歌至山
川滿目淚沾衣以下四句帝春秋衰邁問誰詩
或對李嶠因凄然涕下遽起曰嶠真才子也及
其年幸蜀登白衛嶺覽眺良久又歌是詞復曰
嶠誠才子也高力士以下揮涕久之

嶠字巨山爲兒時夢人遺雙筆自是有文詞十五
通五經二十擢進士第與駱賓王劉元業齊名
相中宗其仕也初與王勃楊炯接踵中與崔融

蘇味道齊名晚諸人沒獨爲文章宿老一時學者取法焉

嶠有三戾性好榮遷憎人陞進性好文章憎人才

華性貪濁憎人受賂

利州昭化縣之南境與劔門相接有舖曰白衛舖今

其名見於此

張仁亶自朔方入朝中宗於西苑迎之從臣宴於桃花園嶠歌曰歲去無言忽顛顛時來含笑吐氛氲不能擁路迷仙客故欲開蹊待聖君趙彥

伯曰紅萼競然春苑曉芊萼新吐御筵開長年願奉西王母近侍慙無東朔才又一從臣歌曰源水叢花無數開丹跗紅萼間青梅從今結子三千歲預喜僊遊復摘來明日宴承慶殿上令宮女善謳者唱之詞旣婉麗歌仍妙絕樂府號桃花行

皮日休松窓錄云中宗嘗召宰相蘇瓌李嶠之子進見時皆童年帝謂曰汝等各以所通書取宜

奏吾者言之頰應曰木從繩則正后從諫則聖
嶠之子忘其名亦奏曰斲朝涉之脛剖賢人之
心帝曰蘇瓌有子李嶠無兒

蘇瓌

九日應制云重陽早露晞睿賞瞰秋磯菊氣先薰
酒萸香更襲衣清切絲桐會縱橫文雅飛恩深
答効淺留醉奉宸暉

興慶池侍宴應制云金闕平明宿霧收瑤池侍宴

俯清流瑞鳳飛來隨帝輦祥魚出戲躍王舟帷
齊綠樹當筵密葢轉細荷接岸浮如臨竊比微
臣懼若濟叨陪聖主遊

瓌字昌容武功人以正立朝相中宗睿宗陳當世
利病甚多

蘇頲

送金城公主云帝女出天津和戎轉蜀輪川經斷
腸望地與析支隣奏曲風嘶馬銜悲月伴人旋

知偃兵革長是漢家親

興慶池應制云降鶴池前迴步輦棲鸞樹杪出行
宮山光積翠遙相逼水態含清近若空直視天
河垂象外俯窺京室畫圖中皇歡未使恩波極
日暮樓船更起風

宴安樂公主新宅云車如流水馬如龍僊史高樓
十二重天上初移衡漢匹樓中歌舞夜相逢

餞唐州高使君云春日奏對時東風搖蕩夕浩然
息樂事翻復餞征客淮水春流清楚山暮雲白
勿言行路遠所貴專城伯

九日應制云并數登高日延齡命賞時宸遊天上
轉秋物雨來滋降鶴乘仙馭吹花入睿詞微臣
復何幸長得奉恩私

頰字廷碩幼敏悟一覽至千言初除左司禦率府
曹參軍吏侍馬載曰古稱一日千里蘇生是矣
長安中爲中書舍人時瓌同三品父子同在禁

苑時人榮之開元中爲相綽威瓌頰四世爲名宰相

寒食宴於中書舍兄弟宅云子推山上歌龍罷定
國門前結駟來始覩元昆鏘玉至旋聞季子佩
刀迴晴花處處因風起御柳條條向日開自有
長筵歡不極還持綵服詠南陔

和晦日駕幸昆明池云炎曆事邊陲昆明始鑿池
豫遊光後聖征戰罷前規霽色清珍宇年芳入

錦陂御杯蘭薦葉仙杖柳交枝二石分河寫雙
珠代月移微臣比翔泳恩廣自無涯

瓌初未知頰一日有客詣瓌候於客次頰擁筆庭
廡間遺落一文字客取視之乃詠崑崙奴詩云
指如十挺墨耳似兩張匙異之良久瓌出與客
淹留言詠以其詩問瓌何人豈非是宗庶之孽
也瓌備言其事客驚訝之請瓌加禮收舉必蘇
氏之令子也瓌稍稍親之有人獻兔懸於廊廡

唐詩紀事 三十一
瓌召令詠之曰兔子死蘭彈將來挂竹竿試將
明鏡照無異月中看瓌覽詩異之由是學問日
新文章益代及帝平內難日夕制詔絡驛無非
頰之所作時稱小許公

人日侍宴大明宮應制云疏龍磴道切昭迴建鳳
旗門遶帝臺七葉仙萸承月吐千株御柳拂煙
開初年競帖宜春勝長命先浮獻壽杯是日最
靈知竊幸羣心就捧大明來

頰初年有京兆尹過瓌命詠尹字曰丑雖有足甲
不全身見君無口知伊少人

韋嗣立拜中書令瓌署官告頰爲之詞薛稷書時
謂三絕

東明觀道士周彥雲欲爲其師立碑謂瓌曰成某
志不過煩相君諸子五郎文頰也六郎書說善八分七
郎致石瓌大笑口不言而心服其公

長安盛春遊頰製詩云飛埃結紅霧遊蓋飄青雲

明皇嘉賞以御花親插其中上當時榮之

望春宮應制云東望春光正可憐更逢晴日柳含
煙中宮下見南山盡城上平臨北斗懸細草偏
承迴輦處輕花微落奉觴前宸遊對此歡無極
鳥哢聲聲入管絃

扈從明皇出雀鼠谷應制云雨施巡方罷雲從訓
俗迴密途汾水衛清蹕晉郊陪寒着山邊盡春
當日下來御祠玄鳥應仙仗綠楊開作頌音傳

雅觀文色動台更知西向洛宸藻協鹽梅類詩盡是

中宗時作惟此一篇明皇時作

唐詩紀事卷第十

終

唐詩紀事卷第十一

韋嗣立

九日應制云層觀遠沉沉鑿旗九日臨帷宮壓水
岸步輦入煙岑枝上萸新採樽中菊始斟願陪
歡樂事長與歲時深

嗣立任省閣與岳州張使君說潭州王都督熊聯
事後承朝譴各東西相別詩云茂先王佐才作
牧楚江隈登樓正欲賦復遇仲宣來黃鵠飛將

遠雕龍文爲開寧知昔聯事聽曲有餘哀

又云昔時陪二賢纓冕會神仙一去馳江海相逢
共播遷無因千里駕忽覩四愁篇覽諷歡何已
歡終徒愴然

嗣立中宗時爲大學士制云詞林佇秀學海資英
苟非鴻儒孰副推擇守太府卿韋嗣立金籛襲
慶玉鼎生才浴德澡身居忠履孝保淳懿之道
綜虛明之識前言往行獨運襟靈健筆通文孤

標望實早昇臺閣常典樞機誠亮險夷政敷匡
益自出入中外周旋宦遊夕郎歸其峻寵冬卿
美其成務官曹內殿朝野旁求宜叅右署之榮
俾接金閨之彥可修文館大學士兄承慶長壽
中與嗣立相代爲鳳閣舍人長安三年承慶代
嗣立爲鳳閣侍郎頃之又代爲黃門侍郎四職
相代時謂大郎罷相二郎拜相中宗授嗣立黃
門侍郎制曰芝蘭並秀見謝石之階庭騏驥並

唐詩紀事 二
驅有劉山之昆季又曰近者命於鸞渚已曜鴈
行纔出芝扃奄歸蒿里永言荆樹坐折連枝眷
彼常山空餘一鳥俾遷榮於皂蓋宜襲寵於黃
樞

嗣立庄在驪山鸚鵡谷中宗幸之嗣立獻食百舉
及木器藤盤等物上封爲逍遙公谷爲逍遙谷
原爲逍遙原中宗留詩從臣屬和嗣立並鐫于
石請張說爲之序薛稷書之李乂詩略云樞掖

調梅暇林園種槿初入朝榮劔履退食樂琴書
地隱東巖石天迴北斗車旌門臨窳窳輦路屬
扶疎沈佺期詩略云水堂開禹膳山閣獻堯鍾
皇鑒清居遠天文睿獎濃武平一云三光迴斗
極萬騎肅鈞陳地若遊汾水畋疑獵渭濱趙彥
昭云廊廟心存巖壑中鑾輿矚在灞城東逍遙
空有蒙莊子漢主徒言河上公張說序亦云嵐
氣入野榛煙出谷魚潭竹岍松齋藥畹虹泉電

射雲木虛吟恍惚疑夢間關忘術茲所謂丘壑
夔龍衣冠巢許也

開元中嗣立自湯井還都經其龍門北溪別業忽
懷驪山之勝嘗有詩云幽谷杜陵邊風煙別幾
年偶來伊水曲溪嶂覺依然傍浦憐芳木尋崖
愛淥泉嶺雲隨馬足山鳥向人前地合心俱靜
言因理自玄短才叨重寄尸祿媿妨賢每揖掛
冠侶思從初服旋稻梁仍欲報歲月坐空捐助

岳無纖芥輸溟謝未消還悟北轅矢方求南澗
田時張說崔泰之崔日知在東都皆和焉先一
日太平公主上官昭容題詩數篇故張說詩云
舞鳳迎公主雕龍賦婕妤

趙彥伯

九日應制得花字云九日報仙家三秋轉翠華呼
鷹下鳥路戲馬出龍沙簪掛丹萸藥杯涵紫菊
花所願同微物年年共辟邪

此詩第二聯
與趙彥昭同

唐詩紀事 四
張仁亶來自朔方軍中宗迓之宴于桃花園應制
曰紅萼競然春苑曙茸茸新吐御筵開長年願
奉西王讌近侍慙無東朔才
彦伯爲弘文館學士

閻朝隱

送金城公主云甥舅重親地君臣厚義鄉還將貴
公主嫁與耨檀王鹵簿山川濶胡琴道路長廻
瞻父母國日出在東方

人日大明宮應制云勾芒人面乘兩龍道是春神
衛九重綵勝年年逢七日醑醪歲歲滿千鍾宮
梅間雪祥光徧城柳含煙瑞氣濃醉倒君前情
未盡願因歌舞自爲容

宴安樂公主新宅云鳳凰鳴舞樂昌年蠟炬開花
夜管絃半醉徐擊珊瑚樹已聞鐘漏曉聲傳

鸚鵡貓兒篇云鸚鵡慧鳥也猫不仁獸也飛翔其
背焉嚙啄其頤焉攀之緣之蹈之履之弄之藉

之蹉蹉然此爲自得彼亦以爲自得畏者無所
起其畏忍者無所行其忍抑血屬舊故之不若
臣叨踐太子舍人朝暮侍從預見其事聖上方
以禮樂文章爲功業朝野歡娛強梁充斥之輩
願爲臣妾稽顙闕下者日萬計尋而天下一統
實以爲惠可以伏不惠仁可以伏不仁亦太平
非常之明證事恐久遠風雅所缺再拜稽首爲
之篇云霹靂引豐隆鳴猛獸噫氣蛇吼聲鸚鵡

鳥同資造化兮殊粹精鸚鵡毛翡翠翼鸚鵡延
頸鸚鵡弄色鸚鵡鳥同稟陰陽兮異埏埴彼何
爲兮隱隱振振此何爲兮綠衣翠襟彼何爲兮
窘窘蠢蠢此何爲兮好貌好音彷彿兮洋洋似
妖姬躡步兮動羅裳趨趨兮蹉蹉若處子迴眸
兮登玉堂爰有獸也安其忍背其脇距其胷與
之放曠浪浪兮從從容容鈎爪踞牙也宵行晝
伏無以當遇之兮忘味搏擊騰擲也朝飛暮噪

無以拒逢之兮屏氣由是言之貪殘薄則智慧
作貪殘臨之兮不復躩由是言之智慧周則貪
殘囚知慧犯之兮不復憂非形陋質雖賤微皇
王顧遇長光輝離宮別館臨朝市妙舞繁絃雜
宮徵嘉喜堂前景福內和歡殿上明光裏雲母
屏風文彩合流蘇斗帳香煙起承恩宴盼接宴
喜高視七頭金駱駝平懷五尺銅獅子國有君
兮國有臣君爲主兮臣爲賓朝有賢兮朝有德
賢爲君兮德爲飾千年萬歲兮心轉憶

奉和九日幸臨渭亭登高應制云九九侍神仙高
高坐半天文章二曜動氣色五星連簪紱趨皇
極笙歌接御筵願因茱菊酒相守百千年
中宗立春遊苑應制云管籥周移寰極裏乘輿望
幸斗城闈草根未結青絲縷蘿葛猶垂綠帔巾
鵲入巢中言改歲燕銜書上道宜新願得長繩
繫取日光臨天子萬年春

送唐永昌赴東都詩云洛陽難理若芬絲推破連
環定不疑鸚鵡鳥道長安樂回首一顧一相思
授著作郎直學士制云朝隱夜光成寶朝陽擢秀
文高一變藝總三端承顧問於鸞掖掌圖書於
麟府頃屬播遷獲返班序方來石室分曹已叅
於著述金門直事俾崇於伸獎可修文館直學
士

朝隱字友倩趙州樂城人性滑稽屬辭奇詭爲武
后所賞景龍時爲著作郎先天中爲秘書少監
坐事貶通州別駕卒

鄭愔

上幸薦福寺令賦詩云舊邸三乘闢佳辰萬騎留
蘭圖奉葉偁芝蓋拂花樓國會人王法宮還天
帝遊紫雲成寶界白水作禪流鴈塔昌基遠鸚
杯睿藻抽忻承大風曲竊預小童謳

三會寺應制詩云鳥籀遺新閣龍旂訪古臺造書

臣頡往觀跡帝義來睿覽山川匝宸心宇宙該
梵音隨駐輦天步接乘杯舊苑經寒露殘池問

劫灰散花將捧日俱喜聖詞開

寺傳蒼頡造書臺

陪幸昭容院獻詩地軸樓居遠天台闕路賒何如

遊帝宅卽此對仙家座拂金壺電池搖玉酒霞

無云秦漢隔別訪武陵花

其一

堯茨姑射近漢苑

建章連十五莫知月三千桃記年鸞歌隨鳳吹

鶴舞向鴟絃更覓瓊妃伴來過玉女泉

其二

宮掖

賢才重山林高士難不言辭輦地更有結廬歡

池棟清溫燠巖窓起沍寒幽亭有仙桂聖主萬

春看

其三

槎流天上轉茅宇禁中開河鵲填橋至

山熊避檻來庭花採菜蓐巖石步莓苔願奉輿

圖秦長聞錦翰裁

其四

陪幸長寧公主庄云公門襲漢環主第稱秦玉池

架祥鱣宇山吹鳴鳳曲拂席薜蘿垂迴舟芰荷

觸平陽妙舞處日暮清歌續

望春宮迎春應制云宸蹕凌高轉翠旌春樓望遠
背朱城忽排花上遊天苑却坐雲邊看帝京百
草香心初習蝶千林嫩葉始藏鶯幸同微藿傾
陽早願比盤根應候榮

送金城公主云下嫁戎庭遠和親漢禮優笳聲出
虜塞簫曲背秦樓貴主悲黃鶴征人怨紫騮皇
情眷億兆割念俯懷柔

早朝云瑞闕龍居峻宸庭鳳掖深才良寄天綽趨
拜侶朝簪飛馬看來影喧車識駐音重軒輕霧
入洞戶落花侵聞有題新翰依然想舊林同聲
慙卞玉謬比託韋金

塞外云塞外蕭條望征人此路賒邊聲亂朔馬秋
色引胡笳遙嶂侵歸日長城帶晚霞斷蓬飛古
戍連鴈聚寒沙海暗雲無葉山春雪作花丈夫
期報主萬里獨辭家其一荒壘三秋夕窮郊萬里
平海陰凝獨樹日氣下連營戎旆霜疑重邊裘

夜更輕將軍猶轉戰都尉不成名折柳悲春曲

吹笳斷夜聲明年漢使返須築受降城其二陽鳥

南飛夜陰山北地寒漢家征戍客年歲在樓蘭

玉關朔風起金河秋月團邊聲入鼓吹霜氣下

旌竿海外歸書斷天涯旅鬢殘子卿猶奉使常

向節旄看其三

人日侍宴大明宮云瓊殿含光映早輪玉鑿嚴蹕

望初晨池開凍水仙宮麗樹發寒花禁苑新佳

氣徘徊籠細網殘雲浙瀝染輕塵良時荷澤皆

迎勝窮谷晞陽猶未春

哭郎著作云詩禮康成學文章賈誼才巳年人得

夢庚日鳥為災書草藏天閣琴聲入夜臺荒階

羅駁蘚虛座滿浮埃白馬賓從散青鳥隴隧開

悲涼門館下懷舊幾遲迴

秋閨詩云征客向輪臺幽閨寂不開音書秋鴈斷

機杼夜蛩催虛幌風吹葉閑堦露染苔自憐愁

思影常共月徘徊

採蓮曲云錦楫沙棠艦羅帶石榴裙綠潭採荷芰
清江日稍曛魚鳥爭唼喋花葉相芬氲不覺湘
州暮菱歌處處聞

胡笳曲云漢將留邊朔遙遙歲序深誰堪牧馬思
正是胡笳吟曲斷關山月聲悲雨雪陰傳書向
蘇武陵也獨何心

折楊柳云青柳映紅顏黃雲蔽紫關忽聞邊使出
枝葉爲君攀舞腰愁欲斷春心望不還風花滾
成雪羅綺亂班班

夜遊曲云漢室歡娛盛魏國文雅適許史多暮宿
應陳從夜遊西園讌公子北里召王侯詎似將
軍獵空嗟亭尉留

少年行云潁川豪橫客咸陽輕薄兒田實方貴幸
趙李新相知軒蓋終朝集笙竽此夜吹黃金盈
篋筥白日忽西馳

唐永徽以來唱桑條歌云桑條韋也女韋也神龍
 時逆韋應之愔作桑條樂詞十首以進擢吏侍
 愔字文靖年十七進士擢第神龍中為中書舍人
 與崔日用趙履溫李悅等託武三思權熏炙中
 外天下語曰崔冉鄭亂時政冉祖雍也或曰初附來
 俊臣俊臣誅附易之易之誅託韋庶人後附譙
 王卒被戮

沈佺期

陪幸太平公主南庄詩云主第山門起灞川宸遊
 風景入初年鳳凰樓下交天仗烏鵲橋頭敞御
 筵往往花間逢綵石時時竹裏見虹泉今朝扈
 蹕平陽館不羨乘槎雲漢邊

九日臨渭亭云御氣幸金方憑高薦羽觴魏文頒
 菊藥漢武賜萸房秋變銅池色晴添銀樹光年
 年重九慶日月奉天長時刻重秋變一聯作去
 崔留笙吹歸鴻識舞行

陪幸韋嗣立庄云台階好赤松別業對青峯茆室

承三顧花源接九重虹旗縈秀木鳳輦拂疎筇
逕直千官擁溪長萬騎容水堂開禹膳山閣獻
堯鍾皇鑑清居遠天文睿獎濃巖泉他夕夢漁
釣往年逢共榮丞相府偏降逸人封

白鹿觀應制云紫鳳真人府班龍太上家天流芝
蓋下山轉桂旌斜聖藻垂寒露仙杯落晚霞唯
應問王母桃作幾時花

上巳陪駕渭濱云寶馬香車清渭濱紅桃碧柳禊
堂春皇情尚憶垂竿佐天祚先呈捧劔人

陪幸五王宅云北闕垂旒暇南宮聽履迴天臨翔
鳳轉恩向濯龍開蘭氣承仙帳榴花引御杯日
從金穴吐雲是玉衣來池影搖歌席林香散舞
臺不知行漏晚清蹕尚徘徊

安樂公主庄云皇家貴主好神仙別業初開雲漢
邊山出盡如鳴鳳嶺池成不讓飲龍川粧樓翠
幌教春住舞閣金鋪借日懸景從乘輿來此地

稱觴獻壽樂鈞天

人日大明宮應制云拂旦雞鳴仙衛陳憑高龍首
帝城春千官黼帳杯前壽百福香奩勝裏人山
鳥初來猶怯囀林花未發已偷新天文正應韶
光轉設報懸知用此辰

望春宮應制云芳郊綠野散春晴複道離宮煙霧
生楊柳千條花欲綻葡萄百丈蔓初縈林香酒
氣元相入鳥囀歌聲各自成定是風光牽宿醉

來晨復得幸昆明

晦日滻水應制云素滻接宸居青門盛祓除摘蘭
喧鳳野浮藻溢龍渠苑蝶飛殊嬾宮鶯囀不疎
景移天上入歌舞向儲胥

送金城公主適西番云金榜扶丹掖銀河屬紫闈
那堪將鳳女還以嫁烏孫玉就歌中怨珠辭掌
上恩西戎非我匹明主至公存

餞唐永昌云洛陽舊有神明宰輦轂由來天地中

餘邑政成何足貴因君取則四方同

早朝云闥闔連雲起巖廊拂霧開玉珂龍影度珠
履鴈行來長樂宵鐘徹明光曉奏催一經推舊
德五字擢英才儼若神仙去紛從霄漢廻千春
奉休曆分禁喜趨陪

曝衣篇云君不見昔日宜春太液邊披香畫閣與
天連燈華灼爍九微映香氣氤氳百和然此夜
星繁河正白人傳織女牽牛客宮中擾擾曝衣

樓天上娥娥紅粉席曝衣何許曛半黃宮中綵
女提玉箱珠履奔騰上蘭砌金闈宛轉出梅梁
絳河裏碧煙上雙花伏兔畫屏風四子盤龍擎
斗帳舒羅散縠雲霧開綴玉垂珠星漢迴朝霞
散綵羞衣架曉月分光劣鏡臺上有仙人長命
絳中看玉女迎歡繡玳瑁筵中別作春珊瑚窓
裏翻成畫椒房金屋寵新流意氣嬌奢不自由
漢文宜惜露臺產晉武須焚前殿裘

時刻
脫誤

和晦日駕幸昆明池云法駕乘春轉神池象漢迴
雙星移舊石孤月隱殘灰戰鷁逢時去恩魚望
幸來岸花緹騎遶堤柳幔城開思逸橫汾唱歡
流宴鎬杯微臣凋朽質羞覩豫章材

白鹿觀應制云四郊秦漢國八水帝王都閭閻雄
里開宮闕壯規模貫渭稱天邑含岐實奧區金
門披玉館因此識皇圖

主第夜宴云濯龍門外主家親鳴鳳樓中天上人
自有金杯迎甲夜還將綺席發陽春

酬蘇味道夏晚省中云並命登仙閣分宵直禮闈
大官供宿膳侍史護朝衣卷幔天河入開牕月
露微小池殘暑退高樹晚涼歸冠劔無時釋軒
車待漏飛明朝題漢柱三署有光輝

和楊再思春夜宿直云西禁青春滿南端皎月微
千廬宵駕合五夜曉鐘稀星斗橫綸閣天河度
瑣闈煙花章奏裏紛向夕郎飛

和崔正諫登秋日早朝云鷄鳴朝謁滿露白禁門
秋爽氣臨旌戟朝光映冕旒河宗來獻寶天子
命焚裘獨負池陽議言從建禮遊

巫山高云巫山高不極合沓奇狀新暗谷疑風雨
陰崖若鬼神月明三峽曙潮滿九江春爲問陽
臺客應知入夢人此詩范攄以爲佺期之作而
顧陶以爲張循今記於此

張燕公說嘗謂佺期曰沈三兄詩須還他第一佺

期字雲卿相州人除給事中考功郎受賊劾未
究會張易之敗遂長流驩州稍遷台州錄事參
軍入計召見拜起居郎兼修文直學士侍宴爲
弄辭悅帝賜牙緋尋爲太子詹事開元初卒

佺期

迴波詞云迴波爾時佺期流向嶺外
生歸身名已蒙齒錄袍笏未復牙緋

魏建安後訖江左詩律屢變至沈約庾信以音韻
相婉附屬對精密及宋之問沈佺期又加靡麗
回忌聲病約句準篇如錦繡成文學者宗之號

唐詩紀事 卷十一 十八
爲沈宋語曰蘇李居前沈宋比肩

謂蘇武
李陵也

宋之問

芙蓉園應制云芙蓉秦地沼盧橘漢家園谷轉斜
盤徑川迴曲抱源風來花自舞春入鳥能言侍
宴瑤池夕歸途騎吹繁

三會寺應制云六飛迴玉輦雙樹謁金仙瑞鳥呈
書字神龍吐玉泉淨心遙證果睿想獨超禪塔
湧香花地山圍日月天梵音迎漏徹空樂倚雲

懸今日登仁壽長看法鏡圓

薦福寺應制云梵筵光聖邸遊豫覽宏規不改靈
光殿因開功德池蓮生新步葉桂長昔攀枝湧
塔庭中見飛樓海上移聞韶三月幸觀象七星
危欲識龍歸處朝來雲氣隨

陪遊苑遇雪云紫禁仙輿詰旦來青旗遙倚望春
臺不知庭霰今朝落疑是林花昨夜開

餞許州宋司馬云潁郡水東流荀陳兄弟遊偏傷

茲日遠獨向聚星州河潤在明德人康非外求
當聞力爲政遙慰我心愁

謁禹廟云夏王乘四載茲地發金符駿命終不易
報功疇敢渝先驅惣昌會後至伏靈誅玉帛空
天下衣冠照海隅旋聞厭黃屋更道出蒼梧林
表祠轉茂山阿井詎枯舟遷龍負壑田變鳥芸
蕪舊物森如在天威肅未殊玄夷屈瑤席玉女
侍清都弈弈扃圍邃軒軒仗衛趨氣青連曙海

雲白洗春湖猿嘯有時答禽言長自呼靈歆異
蒸糝至樂匪笙竽茅殿今文襲梅梁古製無運
遙日崇麗業盛荅昭蘇伊昔力云盡而今功尚
敷揆才非美箭精享愧生芻郡職昧爲理邦空
寧自誣下車霰已積攝事露行濡人隱冀多祐
曷惟霑薄軀

祠海云肅事祠春溟宵齋洗蒙慮雞鳴見日出鷺
下驚濤驚地濶八荒近天迴百川澍遙端接空

唐詩紀事 二十
曲目外唯雰霧暖氣物象來周遊晦明互致牲
匪玄享禋滌期靈煦的的波際禽沄沄島間樹
安期今何在方丈茂尋路仙事與世隔冥搜徒
已屢四明背群山遺老莫辨處內撫良自慨弱
齡忝恩遇三入文史林兩拜神仙署雖歎出關
遠始知臨海趣賞來空自多理勝孰能喻留楫
竟何待徙倚歲云暮

浣紗篇贈陸上人云越女顏如花越王聞浣紗國

微不自寵獻作吳宮娃山藪半潛匿苧羅更蒙
遮一行霸勾踐再笑傾夫差艷色奪人目數噸
亦相誇一朝還舊都靚粧尋若耶林鳥驚人松
網魚畏沈花始覺冶容妄方悟君心邪欽子秉
幽意世人共稱嗟願言託君懷儻類蓬生麻家
住雷門曲高閣凌飛霞淋漓翠羽帳旖旎綠雲
車春風艷楚舞秋月綿胡笳自昔專嬌愛翫襲
惟矜奢達本知空寂棄彼猶泥沙永割偏執性

日長薰修芽攜妾不障道願止妾西家

中宗幸薦福寺獻詩云香刹中天起宸遊滿路輝
乘龍太子去駕象法王歸殿飾金人影窓搖玉
女扉稍迷新草木遍識舊庭闌水入禪心定雲
從寶思飛欲知皇劫遠初拂六銖衣

立春日侍宴內殿出剪綵花詩云金閣裝新杏瓊
筵弄綺梅人間都未識天上忽先開蝶繞香絲
住蜂憐艷粉回今年春色早應爲剪刀催

陪幸公主南庄詩云青門路接鳳凰臺素滻宸遊
龍騎來澗草自迎香輦合巖花應對御筵開文
移北斗成天象酒近南山作壽盃此日侍臣將
石去共歡明主錫金迴

之問薦福寺昆明池
及此作都爲冠首

明河篇云八月涼風天氣晶萬里無雲河漢明昏
見南樓清且淺曉落西山縱復橫洛陽城闕天
中起長河夜夜千門裏複道連薨共蔽虧畫堂
瓊戶特相宜雲母帳前初汎濫水晶簾外轉透

逸倬彼昭回如練白復出東城接南陌南陌征
人去不歸誰家今夜搗寒衣鴛鴦機上疎螢度
烏鵲橋邊一鴈飛鴈飛螢度愁難歇坐見明河
漸微沒已能舒卷任浮雲不惜光輝讓流月明
河可望不可親願得乘槎一問津更將織女支
機石還訪成都賣卜人蓋之問求爲北門學士
天后不許故此篇有乘槎訪卜之語后見其詩
謂崔融曰吾非不知其才但以其有口過爾之

問終身恥之

口過
齒疾

武后遊洛南龍門命從臣賦詩先成者賜以錦袍
左史東方虬詩成拜賜坐未安之問詩成文理
兼美左右莫不稱善乃就奪錦袍衣之其詞曰
宿雨霽氛埃流雲度城闕河堤柳新翠苑樹花
先發洛陽花柳此時濃山水樓臺映幾重群公
拂霧朝翔鳳天子乘春幸鑿龍龍門近出王城
外羽從淋漓擁軒蓋雲蹕纔臨御水橋天衣已

入香山會山壁嶄巖斷復連清流澄澈俯伊川
鴈塔遥遥綠波上星龕奕奕翠微邊層巒舊長
千尋木遠壑初飛百丈泉綵仗蜺旌遶香閣下
輦登高望河洛東城宮闕擬昭回南陌溝塍殊
綺錯林下天香七寶臺山中春酒萬年盃微風
一起祥花落仙樂初鳴瑞鳥來鳥來花落紛無
已稱觴獻壽煙霞裏歌舞淹留景欲斜石間猶
駐五雲車鳥旗翼翼留芳草龍騎駸駸映晚花

千乘萬騎鸞輿出水靜山空嚴警蹕郊外喧喧
引看人傾城南望屬車塵囂聲引颺開黃道王
氣周迴入紫宸先王定鼎三河固寶命乘周萬
物新吾皇不事瑤池樂時雨來觀農扈春
詠省壁畫鶴詩云粉壁圖仙鶴昂藏真氣多騫飛
竟不去當是戀恩波

韋善心爲郎中善剖決之間善詩時謂戶部二妙
之問字延清汾州人與佺期元濟媚附易之及

敗貶瀧州參軍事逃歸復附三思景龍中諂事
太平公主安樂公主權盛復往諧結太平深嫉
之中宗將用爲中書舍人太平發其賊下遷越
州長史賦詩流傳京師睿宗立以獮險盈惡詔
流欽州賜死

徐堅

送金城公主適西蕃云星漢下天孫車服降殊藩
匣中詞易切馬上曲虛繁關塞移朱帳風塵照
錦軒簫聲去日遠萬里望河源

餞許州宋司馬云舊許星車轉神京祖帳開斷煙
傷別望零雨送離盃辭燕依空遶賓鴻入聽哀
分襟與秋氣日夕共悲哉

餞唐永昌赴任東都云郎官出宰赴伊瀍征傳駉
駉灞水前此時悵望新豐道攜手相看共黯然
餞考功武員外學士使嵩山置舍利塔詩云伊川
別騎灞岸分筵對三春之花月覽千里之風煙

望青山兮分地見白雲兮在天寄愁心於樽酒
愴離緒於清絃共握手而相顧各銜悽而黯然

已上中
宗時作

堅字元固西臺舍人齊晦之子善屬文曲厚楊再
思每日爲鳳閣舍人樣中宗時爲給事中明皇
改麗正書院爲集賢院以堅克學士不爲章句
之學而窮覽洽聞綿歷四朝以謹厚稱

送張說巡邊應制云至德撫遐荒神兵赴朔方帝

思元帥重爰擇股肱良累相承安世深籌協子
房寄崇專斧鉞禮備設壇塲鼙鼓喧雷電戈劔
凜風霜四騏將戒道十乘啓先行聖錫加常錫
天光曜寵光出郊開帳飲寅餞盛離章雨濯梅
林潤風清麥野涼燕山應勒頌麟閣佇名揚
堅卒張說挽歌云才美臨淄北名高淮海東羽儀
三省遍漁獵五車通玉殿孤新榜珠英落舊叢
徒存一寶劔何處訪徐公

盧懷慎

九日應制得還字云時和素秋節宸豫紫機閒鶴
似聞琴至人疑宴鎬還曠望臨平野潺湲俯暝
灣無因酬大德空此媿崇班
懷慎靈昌人開元初與姚崇同相時譏爲伴食然
能清儉以直道始終

武平一

駕幸溫泉詩云秦王登碣石周后襲崑崙何必在

遐遠方稱萬寓尊我皇順時豫星駕動軒轅雄
戟交馳道清笳度國門迴輿長樂觀技獵上林
園行漏移三象連營惣八屯旌搖鸚鵡谷騎轉
鳳凰原絕壁蒼苔古靈泉碧溜溫參差開水殿
窸窣敞巖垣豐邑蹤猶在驪宮跡尚存煙松街
翠幄雪逕遶花源侍從推玄草文章召武賁深
仁浹夷夏洪造溢乾坤謬忝王枚列多慙雨露
恩

正旦賦栢葉詩云綠葉迎春綠寒枝歷歲寒願將
栢葉壽長奉萬年歡

興慶池云鸞輿羽駕直城隈帳殿旌門此地開皎
潔靈潭圖日月參差畫舸結樓臺波搖岸影隨
橈轉風送荷香逐酒來願奉皇歡常不極長遊
雲漢幾昭回

白鹿觀應制云玉府凌三曜金壇駐六龍綵旒懸
倒景羽蓋偃喬松玄圃靈芝秀華池瑞液濃謬

因霑舜渥長願祝堯封

送金城公主適西蕃云廣化三邊靜通姻四海安

還將膝下愛特副域中歡聖念飛玄藻仙儀下

白蘭日斜征蓋沒歸騎動鳴鸞

集載此題詩云
鑿輿上碧天翠

帶拖晴烟絕嶼紆仙逕層巖敞御筵雲披丹鳳
闕日下黑龍川更覩南薰奏流聲入管絃與此
絕不相同
未知孰是

宴安樂公主新宅云王孫帝女下仙臺金榜珠簾

入夜開遽惜瓊筵歡正洽惟愁銀箭曉相催

餞唐永昌云聞君墨綬出丹墀
震鳥飛來佇有期
寄謝銅街攀柳日無忘粉署握蘭時

正月八日立春內出綵花賜近臣應制云鑾輅青
旂下帝臺東郊上苑望春來黃鶯未解林間轉
紅藥先從殿裏開畫閣條風初變柳銀塘曲水
半含苔欣逢睿藻光韶律更促霞觴畏景催是
日中宗手勅批云平一年雖最少文甚警新悅
紅藥之先開訝黃鶯之未轉循環吟咀賞嘆兼

懷今更賜花一枝以彰其美所賜學士花並令
插在頭上後所賜者平一左右交插因舞蹈拜
謝時崔日用乘酣飲欲奪平一所賜花上於簾
下見之謂平一曰日用何爲奪卿花平一跪奏
曰讀書萬卷從日用滿口虛張賜花一枝學平
一終身不獲上及侍臣大笑因更賜酒一盃當
時嘆美

中宗宴安樂公主新宅應制云紫漢秦樓敞黃山

魯館開簪裾分上席歌舞列平臺馬旣如龍至
人疑學鳳來幸欣聯棣萼何以接鄒枚

人日西臺觀打球應制云令節重遨遊分鏹戲綵
毬驂驪迴上苑蹀躞繞通溝影就紅塵沒光隨
赭汗流賞闌清景暮歌舞樂時休

平一名甄以字行武后時畏禍隱嵩山中宗雖宴
豫嘗因詩規誠然不能卓然自引去明皇時終
亦被謫雖謫而名不衰

李行言

秋晚度廢關云秦郊平舊險周德眷遺黎始聞清
夜柝俄見落封泥物色來無限津途去不迷空
亭誰問馬閑戍但鳴雞山月寒彌淨河風曉更
淒贈言楊伯起非復是關西

景龍中中宗引近臣宴集令各獻伎爲樂張錫爲
談客娘舞宗晉卿舞渾脫張洽舞黃顰杜元琰
誦婆羅門呪行言唱駕車西河盧藏用效道士

上章國子司業郭山輝請誦古詩兩篇誦鹿鳴
蟋蟀未畢李嶠以詩有好樂無荒之語止之

行言隴西人兼文學幹事函谷關詩爲時所許中
宗時爲給事中能唱步虛歌帝七月七日御兩
儀殿會宴帝命爲之行言於御前長跪作三洞
道士音詞歌數曲貌偉聲暢上頻嘆美

韋元旦

正月七日宴大明殿詩云鸞鳳旌旂拂曉陳魚龍

角觝大明晨青韶旣肇人爲日綺勝初成日作
人聖藻凌雲裁栢賦仙歌從宴摘梅春垂旒一
慶宜年酒朝野俱歡薦壽新

安樂公主山庄云銀河南渚帝城隅帝輦平明出
九衢刻鳳蟠螭凌桂邸穿池壘石寫蓬壺瓊簫
暫下釣天樂綺綬長懸明月珠仙榜承恩爭旣
醉方知朝野更歡娛

望春宮迎春應制云九重樓閣半山霞四望韶陽

春未賒侍蹕妍歌游灞浹留觴舞態出京華危
竿競捧中街月戲鳥爭街上苑花景色歡娛長
若此承恩不醉不還家

送金城公主適西蕃云柔遠安夷俗和親重漢年
軍容旌節送國命錦車傳琴曲悲千里簫聲戀
九天唯應西漢月來就掌珠圓

餞唐州高使君云桐栢膺新命芝蘭惜舊遊鳴臯
夜鶴在遷木早鶯求傳擁淮源路罇空灞水流

落花分送遠春色別離憂

早朝云震維方月季宸極衆星尊佩玉朝三陛鳴
珂過九門挈壺分早漏伏檻耀初暎北倚蒼龍
闕西臨紫鳳垣詞庭草雖視溫室樹無言鱗翰
空爲忝長懷聖主恩

中宗立春遊苑應制云灞浹長安常近日殷正臘
月早迎新池魚戲葉仍含凍宮女裁花已作春
向苑雲疑承翠幄入林風若起青蘋年年斗柄

東無限願挹瓊觴壽北辰

中宗時興慶池侍宴應制云滄池莽沆帝城邊殊
勝昆明鑿漢年夾岸旌旗疏遠道中塘簫鼓振
樓船雲峯四起迎宸幄寶樹千重入御筵宴樂
已深魚鳥詠承恩更欲奏甘泉

主第夜宴云主第新成雲作榜賓筵廣宴玉爲樓
壺觴旣卜仙人夜歌舞疑停織女秋

元旦京兆萬年人與張易之姻屬易之敗貶感義

尉舅陸頌妻韋后第也元旦憑以復進終中書
舍人

唐詩紀事卷第十一

蘇四





